

Aen Hozdung Guhyiengh Gagnyienh Fugsae Saedguh Vwnz-mingz Seizdaih Moq Daengx Gih Youq Mungzsanh Haiguh

全区新时代文明实践志愿服务示范活动在蒙山启动

7 nyied 13 hauh, aen hozdung guhyiengh gagnyienh fugsae saedguh vwnzmingz seizdaih moq bi 2023 daengx gih youq Vuzcouh Si Mungzsanh Yen haiguh. Lai aen doih gagnyienh fugsae gih raeuz daeuj daengz aen gvangjangz saedguh vwnzmingz seizdaih moq Sinhhih Cin Mbanjsinhhih. Gyoengqde youq neix gangjgaj cwngcwz leihminz, yawjbingh mbouj aeu ngaenz, raed byoem mbouj sou ngaenz, hawj vunzlai daejniemh siuqva Yauzcuz, biujyienj vwnzyi cezmuuz, vuenh gij faen saedguh vwnzmingz daengj. Ngoenzde lij miz buek hozdung gajbienq fungfug, hawj vunzlai “ndaej raen、ndaej hag、raeujsim” dem, hix hawj leixniemh vwnzmingz doekrag ndawsim gyoengqvunz.

(Vangz Swnglinz/黄胜林)

► Yienhciengz vwnzyi biujyienj yinx ndaej haujlai vunz comzyawj.



Hozdung Minzsug Bang Lwgminz Demsou

民俗活动助民增收

7 nyied 13 hauh, Liujcouh Si Yungzsuij Myauzcuz Sw-ciye Bwzyinz Yang Mbanj-gauhlanz guh Gaiq Daihhaj “Ciet Maklanzmeiz Sou Lai”. Yienhciengz miz beij byawz boq aenvenz engq gok、daejniemh mbaet maklanzmeiz、baijgai huqdoj daengj, yinx daeuj ndaw gih rog gih ca mbouj lai haj fanh boux hekyouz daeuj guhcaemz. Geij bi neix, Bwzyinz Yang gaenxmaenx hwnghat nungzlij yungzhab, doidoengh canjnieb guh ndaej roengzbae, vunzlai cix miz lai roenloh demsou, coicaenh lajmbanj saenghwngh.

(Lanz Gunh/兰堃)



▲ Dahsau Myauzcuz youq ndaw suenmak mbaet maklanzmeiz.



▲ Doengh boux lwghag Fuzsuih Yen langhbaij dinfwngz aeu nyangj guh veh.

Doengh Aen Anqlaeh Ndei Sizyenziz Cauhmoq Miz Daegsaek Cungh Siuj-yoz Daengx Gih Baijok Yienghndei

全区中小学创新特色 实验室优秀案例展风采

7 nyied 14 hauh, bi 2023 aen hozdung langhbaij gij anqlaeh ndei sizyenziz cauhmoq miz daegsaek cungh siujyoz Gvangsiah youq Nanzningz Gozci Veicanj Cunghsinh haiguh. Doengh boux daibyauij lwghag cungh siujyoz laeng cibsei q aen si laeb gih gih raeuz yienhciengz langhbaij le feihyiz、gohgi、dinfwnghz gwnzbiengz daengj hanghmoeg, yinx daeuj haujlai vunzgai、hekyouz comzyawj、daejniemh.

(Yi Sienghceenz/喻湘泉)

“Dangzgoq Onjdingh Vihhong” Bwzswz Si Denzyangz Gih Coi Couhnieb

百色市田阳区“稳岗课堂”促就业



▲ Gyoengqvunz hag baenzlawz cawj faenjlaxyoux.

Bineix doxdaeuj, Bwzswz Si Denzyangz Gih gaenxmaenx youq gak yanghein hwnj “dangzgoq onjdingh vihhong” guh sonlien dinfwngz ciz-yez. Doengh aen ban sonlien cungj dwg “lijlwnh + saedguh” doxgap, hai miz hag ciepye gomak、dienhgoeng、hai cahceh、cigboq、cawj faenj daengj. Bineix, aen gih neix gaenq guh le cibcaet mbat “dangzgoq onjdingh vihhong”, son caetbak caetcib roek boux vunz lien dinfwngz, hawj vunzlai couhnieb cauhnieb.

(Vangz Gozsun/黄国顺 Luz Vanh/陆欢)